

0
1cm
2
3
4
5
6
7
8
9
10
11
12
13
14
15
16
17
18
19
20
21
22
23
24
25
26
27
2



浙江圖書館



浙江圖書館



浙江圖書館



浙江圖書館

韋蘇州集卷之三



寄贈下

館

寄柳州韓司戶郎中

一作遠

鍾伯敬云齊物至理難在十字說盡

達識與昧機。智殊跡同靜。於焉得携手。屢賞清
夜景。蕭灑陪高詠。從容羨華省。一逐風波遷。南
登桂陽嶺。舊里門空掩。歡遊事皆屏。悵望城闕
遙。幽居時序永。春風吹百卉。和煦變間井。獨悶
終日眠。篇書不復省。唯當望雨露。霑子荒遐境。

寄令狐侍郎

三山有瓊樹。霜雪色逾新。始自風塵交。中結綢繆姻。西掖方掌誥。南宮復司春。夕燕華池月。朝奉玉階塵。衆寶歸和氏。吹噓多俊人。羣公共然諾。聲問邁時倫。孤鴻旣高舉。鷲雀在荆榛。翔集且不同。豈不欲殷勤。一旦遷南郡。江湖渺無垠。寵辱良未定。君子豈緇磷。寒暑已推斥。別離生苦辛。非將會面日。書札何由申。

閑居寄端及重陽

山明野寺曙鍾微。雪滿幽林人跡稀。閑居寥落
生高興。無事風塵獨不歸。

園林宴起寄昭應韓明府盧主簿

田家已耕作。井屋起晨煙。園林鳴好鳥。閑居猶
獨眠。不覺朝已宴。起來望青天。四體一舒散。情
性亦忻然。還復茆簷下。對酒思數賢。束帶理官
府。簡牘盈目前。當念中林賞。覽物遍山川。上非

遇明世。庶以道自全。

寄大梁諸友

分竹守南譙。弭節過梁池。雄都衆君子。出餞擁
河湄。燕謔始云洽。方舟已解維。一爲風水便。但
見山川驅。昨日次睢陽。今夕宿符離。雲樹愴重
疊。煙波念還期。相敦在勤事。海內方勞師。

新秋夜寄諸弟

兩地俱秋夕。相望共一作在星河。高梧一葉下。空齋歸

思多。方用憂人。瘼况自抱。微病無將。別來近。顏
鬢已蹉跎。

郊園聞蟬寄諸弟

去歲郊園別。聞蟬在蘭省。今歲卧南譙。蟬鳴歸
路永。夕響依山郭。餘悲散秋景。緘書報此時。此
心方耿耿。

寄中書劉舍人

雲霄路竟別。中年跡暫同。比翼趨丹陛。連騎下

浙江圖書館

南宮佳詠邀清月。幽賞滯芳叢。迨予一出守。與
子限西東。晨露方愴愴。一作蒼離抱更忡忡。忽睹九天
詔。秉綸歸國工。玉座浮香氣。秋禁散涼風。應向
橫門度。一作芳環珮杳玲瓏。光輝恨未矚。歸思坐難通。
蒼蒼松桂姿。想在一垣中。

郡齋感秋寄諸弟

首夏辭舊國。窮秋卧滁城。方如昨日別。忽覺徂
歲驚。高閣收煙霧。池水晚澄清。一作明戶牖已凄爽。晨

夜感深情昔遊郎署間。是月天氣晴一作晴授衣還西

郊。曉露田中一作野行。采菊投酒中。昆弟自同傾。簪組

聊挂壁。焉知有世榮。一旦居遠郡。山川間音形。

大道庶無累。及茲念已盈。

郡中對雨贈元錫兼簡楊凌

宿雨冒空山。空城響秋葉。沉沉暮色至。淒淒涼

氣入。蕭條林表散。的礫荷上集。夜霧著衣重新

苔。侵履濕。遇茲端憂日。賴與嘉賓接。

冬至夜寄京師諸弟兼懷崔都水

理郡無異政。一作美所憂在素餐。徒令去京國。羈旅當

歲寒。一作玄子月生一氣。陽景極南端。已懷時節感。更

抱別離酸。私燕席。一作夕云罷。還齋夜方闌。邃幕沉空

宇。一作月孤燭照牀單。應同茲夕念。寧忘故歲歡。川塗

恍悠邈。涕下一闌干。

元日寄諸弟兼呈崔都水

一從守茲郡。兩鬢生素髮。新正加我年。故歲去

趙忽淮濱異時候。了似仲秋月。川谷風景溫。城
池草木發。高齋屬多暇。韶悵臨芳物。日月昧還
期。念君何時歇。

寄職方劉郎中

書

相聞二十載。不得展平生。一夕一作旦南宮遇。聊用寫

中情。端服光朝次。羣列慕英聲。歸來坐粉闥。揮

筆乃縱橫。始陪文翰遊。一作新歡燕難久并。予因謬忝

出。君爲沉疾嬰。別離寒暑過。荏苒春草生。故園

茲日隔新禽池上鳴。郡中永無事。歸思徒自盈。

社日寄崔都水及諸弟羣屬

山郡多暇日。社時放吏歸。坐閣獨成悶。行塘閱
清輝。春風動高柳。芳園掩夕扉。遙思里中會。心
緒悵微微。

寒食日寄諸弟

禁火暖佳辰。念離獨傷抱。見此野田花。心思杜
陵道。聯騎定何時。予今顏已老。

三月三日寄諸寄弟兼懷崔都水

暮節看已謝。茲晨愈可惜。風澹意傷春。池寒花
歛夕。一作色對酒始依依。懷人還的的。誰當曲水行。相
思尋舊跡。

贈李儋侍御

風光山郡少。來看廣陵春。殘花猶待客。莫問意
中人。

寄楊協律

吏散門閣掩。鳥鳴山郡中。遠念長江別。俯覺座
隅空。舟泊南池雨。簟卷北樓風。併罷芳樽燕。爲
愴昨時同。

郡齋贈王卿

無術謬稱簡。素餐空自嗟。秋齋雨成滯。山藥寒
始華。渡落人皆笑。幽獨歲逾賒。唯君出塵意。賞
愛似山家。

一作僧家

簡恒璨

劉涇溪云高視
城邑真復如此
開合野興甚濃

室虛多涼氣。天高屬秋時。空庭夜風雨。草木曉
離披。簡書日云曠。文墨誰復持。聊因遇澄靜。一
與道人期。

閑居寄諸弟

秋草生庭白露時。故園諸弟益相思。盡日高齋
無一事。芭蕉葉上獨題詩。

登樓寄王卿

踏閣攀林恨不同。楚雲滄海思無窮。數家砧杵

正是絕意復增
兩聯即情味不如
此
楊用修曰絕妙
字句雖對而意
則一貫

秋山下。一郡荆榛寒雨中。

所東橋云登樓愁思宛然下淚

寄暢當

聞以子弟
被召從軍

館

寇賊起東山。英俊方未閑。聞君新應募。籍籍動
京關。出身文翰場。高步不可攀。青袍未及解。白
羽插腰間。昔為瓊樹枝。一作姿今有風霜顏。秋郊細柳
道。走馬一夕還。丈夫當為國。破敵如摧山。何必
事州府。坐使鬢毛班。

浙

贈崔員外

一別十年事。相逢淮海濱。還思洛陽日。更話府中人。且對清觴滿。寧知白髮新。忽忽何處去。車馬冒風塵。

寄李儋元錫

去年花裏逢君別。今日花開已一年。世事茫茫難自料。春愁黯黯獨成眠。身多疾病思田里。邑有流亡愧俸錢。聞道欲求相問訊。西樓望月幾迴圓。

胡仔云士君子當以此切存心彼一意供租歛事五未視民如仇者得無愧此

王世貞曰身多疾病二語格調非正而語意亦佳

京師叛亂寄諸弟

弱冠遭世難。二紀猶未平。一作守羈離官遠郡。虎豹滿
西京。上懷犬馬戀。下有骨肉情。歸去在何時。流
淚忽霑纓。憂來上北樓。左右但軍營。一作坐函谷行人
絕。淮南春草生。鳥鳴野田間。心憶故園行。何時
四海晏。甘與齊民耕。

贈琮公

山僧一相訪。吏案正盈前。出處似殊致。喧靜兩

皆禪。一作依。暮春華池宴。清夜高齋眠。此道本無得。寧復有忘筌。

寄諸弟

建中四年十月三日京師兵亂自滁州間道遣使明年興元甲子歲

五月九日使還作

歲暮兵戈亂京國。帛書間道訪存亡。還信忽從天上落。唯知彼此淚千行。

寄恒璨

心絕去來緣。一作遠。跡順人間事。獨尋秋草徑。夜宿寒

山寺。今日郡齋閑。思問楞伽子。

簡郡中諸生

館

守郡卧秋閣。四面盡荒山。此時聽夜雨。孤燈照
窻間。藥園日蕪漫。書帷長自閑。惟當上客至。論
詩一解顏。

寄全椒山中道士

惟云全首無一字不雅語似冲泊而意
與獨至此所謂良工心獨苦也

王云是唐選在唐

今朝郡齋冷。忽念山中客。澗底束荆薪。歸來煮
白石。欲持一瓢酒。遠慰風雨夕。落葉滿空山。何

一作杯

一作寄

一作采

一作過

洪邁云此篇高
妙超詣固不容
誇說而結句非
語言思索可得
東坡依韻逮不
及
劉涓溪云其詩

自多此景意及
得意如此亦少

處尋行跡。

鍾云此等詩妙處在工拙之外

寄釋子良史酒

館

秋山僧冷病。聊寄三五杯。應寫山瓢裏。還寄此
瓢來。

重寄

復寄滿瓢去。定見空瓢來。若不打瓢破。終當費
酒材。

浙江圖書

答釋子良史送酒瓢

此瓢今已到。山瓢知已空。且飲寒塘水。遙將回也同。
一作遙知回也風

簡陟巡建三甥

盧氏生

忽羨後生連榻話。獨依寒竹一齋空。時流歡笑事從別。把酒吟詩待爾同。

覽袁子卧病一絕聊以題示

沈氏生全貞

念子抱沉疾。霜露變淖城。獨此高窻下。自然無世情。

寄璨師

林院生夜色。西廊上紗燈。時憶長松下。獨坐一
山僧。

寄盧陟

柳葉遍寒塘。曉霜凝高閣。累日此留連。別來成
寂寞。

途中寄楊邈裴緒示褒子

永陽縣館中作

上宰領淮右。下國屬星馳。霧野騰曉騎。霜竿裂

劉涓溪云題寄
盧涉如是此種
風氣亦渡可謂

劉涇溪云蘇州
用意常在此等
故精練特勝解
處自狀
顧東橋云清語
古調
又云後二句作
應起前意

凍旗蕭蕭陟連岡。莽莽望空陂。風截鴈嘹唳雲
叅樹參差。高齋明月夜。庭松桂姿。當睽一酌
恨。况此兩旬期。

宿永陽寄璨律師

遙知郡齋夜。凍雪封松竹。時有山僧來。懸燈獨
自宿。

雪行寄襄子

浙瀝覆寒騎。飄飄暗川容。行子郡城曉。披雲看

杉松。

寄裴處士

春風駐遊騎。晚景淡山暉。一問清冷子。獨掩荒
園扉。草木雨來長。里閭人到稀。方從廣陵宴。花
落未言歸。

偶入西齋院示釋子恒璨

僧齋地雖密。忘子跡要賒。一來非問訊。自是看
山花。

示全真元常

元常趙氏生

余辭郡符去。爾爲外事牽。寧知風雪夜。復此對
牀眠。始話南池飲。更詠西樓篇。無將一會易。歲
月坐推遷。

寄劉尊師

世間荏苒縈此身。長望碧山到無因。白鶴徘徊
看不去。遙知下有清都人。

寄廬山機衣居士

兀兀山行無處歸。山中猛虎識櫻衣。俗客欲尋
應不遇。雲溪道士見猶稀。

因省風俗與從姪成緒遊山水中道先歸

寄示

累宵同燕酌。十舍携征騎。始造雙林寂。遐搜洞
府祕。羣峯繞盤礴。懸泉仰特異。陰壑雲松埋。陽

張時

崖煙花媚。每慮觀省牽。中乖遊踐志。我向山水
行。子歸棲息地。一操臨流袂。上聳千雲轡。獨往

倦危途。懷冲寡幽致。賴爾還都期。方將登樓遲。

寒食寄京師諸弟館

雨中禁火空齋冷。江上流鶯獨坐聽。把酒看花想諸弟。杜陵寒食草青青。

歲日寄京師諸季端武等

獻歲抱深慟。僑居念歸緣。常患親愛離。始覺世務牽。少事河陽府。晚守淮南壖。平生幾會散。已及蹉跎年。昨日罷符竹。家貧遂留連。部曲多已

去車馬不復全。閑將酒爲偶。默以道自詮。聽松
南巖寺。見月西澗泉。爲政無異術。當責豈望遷。
終理來時衰。一作衰歸鑿杜陵田。

簡盧陟

可憐白雪曲。未遇知音人。恓惶戎旅下。蹉跎淮
海濱。澗樹含朝雨。山鳥哢餘春。我有一瓢酒。可
以慰風塵。

西澗卽事示盧陟

寢屏臨碧澗。晨起澹忘情。空林細雨至。圓文遍
水生。永日無餘事。山中俄木聲。知子塵喧久。暫
可散煩纓。

登郡寄京師諸季淮南子弟

始罷永陽守。復卧潯陽樓。懸檻飄寒雨。危堞一作浸侵
江流。迨茲聞鴈夜。重憶別離秋。徒有盈樽酒。鎮
此百端憂。

寄黃尊師

結茅種杏在雲端。掃雪焚香宿石壇。靈祇不許
世人到。忽作雷風登嶺難。

寄黃劉二尊師

廬山兩道士。各在一峯居。矯掌白雲表。晞髮陽
和初。清夜降真侶。焚香滿空虛。中有無爲樂。自
然與世疎。道尊不可屈。符守豈暇餘。高齋遙致
敬。願示一編書。

秋夜寄丘二十二員外

顧東橋云此篇
後二句佳

懷君屬秋夜。散步詠涼天。山空松子落。幽人應
未眠。

贈丘員外

高詞棄浮靡。貞行表鄉閭。未具南宮拜。聊偃東
山居。大藩本多事。日與文章疎。每一覩之子。高
詠遂起予。宵晝方連燕。煩惱亦頓祛。格言雅誨
闕。善諶矜數餘。久跼思遊曠。窮慘遇陽舒。虎丘
愜登眺。吳門悵躊躇。方此戀攜手。豈云還舊墟。

新五圖書館

告諸吳子弟。文學爲何如。
跡與孤雲遠。心將野鶴俱。那同石氏子。每到府
門趨。

贈李判官

良玉定爲寶。長材時所希。佐幕方巡郡。奏命布
恩威。食蔬程獨守。飲冰節靡違。決獄興邦頌。高
文稟天機。賓館在林表。望山啟西扉。下有千畝
田。泱泱吳土肥。始耕已見穫。衫絺今授衣。政拙

勞詳省。淹留未得歸。雖慙且忻願。日夕覩光輝。
寄皎然上人

吳興老釋子。野雪蓋精廬。詩名徒自振。道心長
晏如。想茲棲禪夜。見月東峯初。鳴鐘驚巖壑。焚
香滿空虛。叨慕端成舊。未識豈爲疏。願以碧雲
思。方君怨別餘。茂苑文華地。流水古僧居。何當
一遊詠。倚閣吟躊躇。

贈舊識

少年遊太學。負氣蔑諸生。蹉跎三十載。今日海隅行。

復理西齋寄丘員外

前歲理西齋。得與君子同。迨茲已一周。悵望臨
春風。始自疎林竹。還復長榛藜。端正良難久。蕉
穢易爲功。援斧開衆鬱。如師啟羣蒙。庭宇還清
曠。煩抱亦舒通。海隅雨雪霽。春序風景融。時物
方如故。懷賢思無窮。

和張舍人夜直中書寄吏部劉員外

西垣草詔罷。南宮憶上牙。月臨蘭殿出涼白。鳳池來。松桂生丹禁。鴛鴦集雲臺。託身各有所相。望徒徘徊。

和李二主簿寄淮上綦毋三

滿城憐傲吏。終日賦新詩。請報淮陰客。春帆浪作期。

寄二嚴

士良
元邠
葵牧

絲竹久已懶。今日遇君欣。打破聊蛛千道網。總
爲鵲鴿兩箇嚴。

韋蘇州集卷之三
終

浙江圖書館

浙江圖書館藏書

浙江圖書館藏書

浙江圖書館藏書

浙江圖書館藏書

浙江圖書館藏書

浙江圖書館藏書

浙江圖書館藏書

浙江圖書館藏書

浙江圖書館藏書



浙江圖書館

韋蘇州集卷之四

送別

李五席送李王簿歸西臺

請告嚴程盡西歸。道路寒欲陪。鷹隼集猶戀。鶴
鴿單。洛邑人全少。嵩高雪尚殘。滿臺誰不故。報
我在微宮。

送崔押衙相州

頃任內黃令

禮樂儒家子。英豪燕趙風。驅雞嘗理邑。走馬却

劉涇溪云甚有
氣味

又云贈人語如
此有味

從戎白刃千夫闢黃金四海同嫖姚恩顧下諸
將指揮中別路憐芳草歸心伴塞鴻鄴城新騎
滿魏帝舊臺空望闕應懷戀遭時貴立功萬方
如已靜何處欲輸忠

送宣城路錄事

江上宣城郡孤舟遠到時
雲林謝家宅山水敬
亭祠綱紀多閑日觀遊得賦詩
都門且盡醉此
別數年期

劉涇溪云豈非太白耶

高棟云觀此詩非太白不能當

豈二字謔作四耶

桂天祥云氣相

真朴如吳絲白紵服之便躡

劉涇溪云此非太白不能當

顧東橋云此便

與淵明荆軻篇

相敵

送李十四山東遊一作山人東遊

聖朝有遺逸披膽謁至尊豈是質榮寵誓將救

元元權豪非所便書奏寢禁門高歌長安酒忠

劉云善道人意高處

憤不可吞歛來客河洛日與靜者論濟世翻小

事丹砂駐精魂東遊無復繫梁楚多大藩高論

動侯伯疎懷脫塵喧送君都門野飲我林中尊

立馬望東道白雲滿梁園踟躕欲何贈空是平

生言

送李二歸楚州

時李季弟牧楚州被訟赴急

情人南楚別。復詠在原詩。忽此嗟岐路。還令泣
素絲。風波朝夕遠。音信往來遲。好去扁舟客。青
雲何處期。

送閻宗赴東川辟

冰炭俱可懷。孰云熱與寒。何如結髮友。不得携
手權。晨登嚴霜野。送子天一端。祇承簡書命。俯
仰豸角冠。上陟白雲嶠。下冥玄壑湍。離羣自有

鍾伯敬云情至

託。歷。險。得。所。安。當。念。反。窮。巷。登。朝。成。慨。嘆。

送令狐岫宰恩陽

大。雪。天。地。閉。羣。山。夜。來。晴。居。家。猶。苦。寒。子。有。千
里。行。行。行。安。得。辭。荷。此。蒲。壁。榮。賢。豪。爭。追。攀。飲
餞。出。西。京。樽。酒。豈。不。歡。暮。春。自。有。程。離。人。起。視
日。僕。御。促。前。征。透。遲。歲。已。窮。當。造。巴。子。城。和。風
被。草。木。江。水。日。夜。清。從。來。知。善。政。離。別。慰。友。生。

送馮著受李廣州署爲錄事

鬱鬱楊柳枝。蕭蕭征馬悲。送君灞陵岸。糾郡南海湄。名在翰墨場。羣公正追隨。如何從此去。千里萬里期。大海吞東南。橫嶺隔地維。建邦臨日域。溫煥御四時。百國共臻奏。珍竒獻京師。富豪虞興戎。繩墨不易持。州伯荷天寵。還當翊丹墀。子爲門下生。終始豈見遺。所願酌貪泉。心不爲磷緇。上將翫國士。下以報渴饑。

送元倉曹歸廣陵

劉頊謨云他人
裁許造次能通

官閑得去住。告別戀音微。舊國應無業。他鄉到
是歸。楚山明月滿。淮甸夜鐘微。何處孤舟迫。遙
遙心曲違。

送唐明府赴溧水

三任縣事

三爲百里宰。已過十餘年。祇歎官如舊。旋聞邑
屢遷。魚鹽濱海利。薑蔗傍湖田。到此安畛俗。琴
堂又晏然。

喜於廣陵拜覲家兄奉送發還池州

青青連枝樹。萼萼久別離。客遊廣陵中。俱到若有期。俯仰叙存歿。哀腸發酸悲。收情且爲歡。累日不知饑。夙駕多所迫。復當還歸池。長安三千里。歲晏獨何爲。南出登閭門。驚飈左右吹。所別諒非遠。要令心不怡。

送張八元秀才擢第往上都應制

決勝文場戰已酣。行應辟命復才堪。旅食不辭遊闕下。春衣未換報江南。天邊宿鳥生歸思。關

外晴山滿夕嵐。立馬欲從何處別。都門楊柳正
參。參。

送張侍御祕書江左覲省

莫歎都門路。歸無駟馬車。繡衣猶在篋。芸閣已
觀書。沃野收紅稻。長江釣白魚。晨餐亦可薦。名
利欲何如。

賦得鼎門送盧耿赴任

名因定鼎地。門對鑿龍山。水北樓臺近。城南車

馬還稍開芳野靜。欲掩暮鐘閑去。此無嗟屈前
賢尚抱關。

賦得浮雲起離色送鄭述誠

遊子欲言去。浮雲那得知。偏能見行色。自是獨
傷離。晚帶城遙暗。秋生峯高竒。還因朔吹斷。疋
馬與相隨。

餞雍聿之潞洲謁李中丞

鬱鬱兩相遇。出門草青青。酒酣拔劍舞。慷慨送

子行驅馬涉大河。日暮懷洛京。前登太行路。志士亦未平。薄遊五府都。高步振英聲。主人才且賢。重士百金輕。絲竹促飛觴。夜醺達晨星。娛樂易淹暮。諒在執高情。

上東門會送李幼舉南遊徐方

離絃既罷彈。罇酒亦已闌。聽我歌一曲。南徐在雲端。雲端雖云邈。行路本非難。諸侯皆愛才。公子遠結歡。濟濟都門宴。將去復盤桓。令姿何昂

昂良馬遠遊冠。意氣且爲別。由來非所嘆。

送洛陽韓丞東遊

仙鳥何飄颻。綠衣翠爲襟。顧我差池羽。咬咬懷
好音。徘徊洛陽中。遊戲清川潄。神交不在結。歡
愛自中心。駕言忽徂征。雲路邈且深。朝遊尚同
啄。夕息當異林。出餞宿東郊。列筵屬城陰。舉酒
欲爲樂。憂懷方沉沉。

浙

送鄭長源

少年一相見一作得飛轡河洛間歡遊不知罷中路忽

言還泠泠鴟絃哀悄悄冬夜閑丈夫雖耿介遠

別多苦顏君行拜高堂速駕難久攀鷄鳴儔侶

發朔雪蒲河關須臾在今夕罇酌且循環

送李儋

別離何從生乃在親愛中反念行路子拂衣自

西東日晏不留宴嚴車出崇墉行遊非所樂一作役端

憂道未通春野百卉發清川思無窮芳時坐離

劉須溪云缺十
字自好
顧東橋云逸情

作瑞慶道未豐

顧東橋云詠物
更無此篇

散。世。事。誰。可。同。歸。當。掩。重。關。默。默。想。音。容。

賦得暮雨送李胃

一作渭

楚江微雨裏。建業暮鍾時。漠漠帆來重。冥冥鳥
去遲。海門深不見。浦樹遠含滋。相送情無限。沾
襟比散絲。

留別洛京親友

握手出都門。駕言適京師。豈不懷舊廬。惆悵與
子辭。麗日坐高閣。清觴醺華池。昨遊倏已過後。

劉涓溪云此等亦味外味又云無一向不合路遠句元極清潤作者可仰

遇良未知念結路方永歲陰野無暉單車我當

作反

一去漸遠

前暮雪子獨歸臨流一相望零淚忽沾衣

賦得沙際路送從叔象

獨樹沙邊人跡稀欲行愁遠暮鍾時野泉幾處
侵應盡不遇山僧知問誰

送榆次林明府

無嗟千里遠亦是宰王畿策馬雨中去逢人關

外稀邑傳榆石在路遶晉山微別思方蕭索新

至難

頽云至淺

秋一葉飛。

雜言送黎六郎

壽陽公之子

冰壺見底未爲清。少年如玉有詩名。聞話嵩峯
多野寺。不嫌黃綬向陽城。朱門嚴訓朝辭去。騎
出東郊滿飛絮。河南庭下拜府君。陽城歸路山
氛氲。山氛氲。長不見。釣臺水。淥荷已生。少姨廟
寒花始徧。縣閑吏傲與塵隔。移竹疏泉常岸幘。
莫言去作折腰官。豈似長安折腰客。

天長寺上方別子西有道

時任京兆府功曹攝高陵宰別

田曹盧庫戶曹韓質因而有作

館

假邑非拙素。况乃別伊人。聊登釋氏居。携手戀

係念

茲晨高曠出塵表。逍遙滌心神。青山對芳苑。列

一作高

樹遶通津。車馬無時絕。行子倦風塵。今當遵往

路。佇立欲何申。唯持貞白志。以慰心所親。

送黎六郎赴陽翟少府

試吏向嵩陽。春山躑躅芳。腰垂新綬色。衣滿舊

芸香喬樹別時綠。客程關外長。祇應傳善政。日
夕慰高堂。

送別覃孝廉

思親自當去。不第未蹉跎。家住青山下。門前芳
草多。一作流水 秭歸通遠徼。巫峽注驚波。州舉年年事。還
期復幾何。

送開封盧少府

雄藩車馬地。作尉有光輝。滿席賓常侍。闐街燭

劉涓溪云自以
為幽致不克可
笑誰家門前無
此
又云却自渾

夜歸關河征旆遠。煙樹夕陽微。到處無留滯。梁園花欲稀。

送槐廣落第歸揚州

下第當稱屈。少年心獨輕。拜親歸海畔。似舅得詩名。晚對青山別。遙尋芳草行。還期應不遠。寒露濕蕪城。

送汾城王主簿

少年初帶印。汾上又經過。芳草歸時徧。情人故

鍾伯敬云此語
又非老人不知
譚文夏云無聊
中寫出閒適

劉須溪云閑情
婉約可羨

又云極濃而而不脂粉情理入微

顧東橋云韋公獨出

劉涓溪云如此世態尚可

郡多禁鐘春雨細宮樹野煙和相望東橋別微風起夕波

送澠池崔主簿

邑帶洛陽道年年應此行當時匹馬客今日縣人迎暮雨投關郡春風別帝城東西殊不遠朝夕待佳聲

送顏司議使蜀訪圖書

輶駕一封急蜀門千嶺曛詎分江轉字但見路

新江圖書館

緣雲山館夜聽雨。秋後獨叫羣。無爲久留滯。聖

主待遺文。

奉送從兄宰晉陵

東郊暮草歇。千里夏雲生。立馬愁將夕。看山獨
送行。依微吳苑樹。迢遞晉陵城。慰此斷行別。邑
人多頌聲。

贈別河南李功曹

宏辭登科拜官

耿耿抱私戚。寥寥獨掩扉。臨觴自不飲。况與故

劉涓溪云妙

顧東橋云作家

老手

又云何限沉抱

人違故人方琢磨。環朗代所稀。憲禮更右職。文翰灑天機。一作搢來自東山羣。彥仰餘輝。談笑取高第。綰綬卽言歸。洛都遊燕地。千里及芳扉。今朝章臺別。楊柳亦依依。雲霞未改色。山川猶夕暉。忽復不相見。心思亂霏霏。

送五經趙隨登科授廣德尉

明經有清秩。當在石渠中。獨往宣城郡。高齋謁謝公。寒原正蕪漫。一作漫夕鳥自西東。秋日不堪別。淒

淒多朔風。

宴別幼遐與君貺兄弟

一作孤

一作夫

乖闕意方弭。安知忽來翔。累日重歡宴。一旦復

續東橋云如此
詩亦近晉宋

劉涓溪云曲折

情景甚至

離傷。置酒慰茲夕。秉燭坐華堂。契闊未及展。晨

星出東方。征人慘已辭。車馬儼成裝。我懷自無

一作來

歡。原野滿春光。羣水合時澤。野雉鳴朝陽。平生

有壯志。不覺淚霑裳。况自守空宇。日夕但彷徨。

送宣州周錄事

清時重儒士。糾郡屬伊人。薄遊長安中。始得一
交親。英豪若雲集。餞別塞城闈。高駕臨長路。日
夕起風塵。方念清宵宴。已度芳林春。從茲一分
手。緬邈吳與秦。但覩年運駛。安知後會因。唯當
存令德。可以解惰勤。

謝櫟陽令歸西郊贈別諸友生

結髮仕州縣。一作事蹉跎在文墨。徒有排雲心。何由生

羽翼。幸遭明盛日。萬物蒙生植。獨此抱微疴。顏

然謝斯職。

大曆十四年六月二十三日自鄆縣制除櫟陽令以疾辭歸善福精舍七

月二十日賦此詩

世道方荏苒。郊園思偃息。為歡日已

延。君子情未極。

一作驅馳

觴忽云晏。高論良難測。遊步

清郡宮。迎風嘉樹側。晨起西郊道。原野分黍稷。

自樂陶唐人。服勤在微力。佇君列丹陛。出處兩

為得。

送端東行

一作世事留清白

世承清白遺。躬服古人言。從官俱守道。歸來共

浙江圖書館

閉門驅車何處去。暮雪滿平原。

送姚孫還河中

館

上國旅遊罷。故園生事微。風塵滿路起。行人何處歸。留思芳樹飲。惜別暮春暉。幾日投關郡。河山對掩扉。

始除尚書郎別善福精舍

建中二年四月十九日自前櫟

陽令除尚書比部員外郎

浙

簡畧非世器。委身同草木。逍遙精舍居。飲酒自

爲足累日曾一櫛對書常懶讀社臘會高年山
川恣遊矚明世方選士中朝懸美祿除書忽到
門冠帶便拘束愧忝郎署跡謬蒙君子錄俯仰
垂華纓飄飄翔輕轂行將親愛別戀此西澗曲
遠峯明夕川夏雨生衆綠迅風飄野路迴首不
遑宿明晨下煙閣白雲在幽谷

送常侍御却使西蕃

歸奏聖朝行萬里却銜天詔報蕃臣本是諸生

守文墨。今將匹馬靜烟塵。旅宿關河逢暮雨。春
耕亭鄣識遺民。此去多應收故地。寧辭沙塞往
來頻。

送郝詹事

聖朝列羣彥。穆穆佐休明。君子獨知止。懸車守
國程。忠良信舊德。文學播英聲。旣獲天爵美。况
將齒位并。書奏蒙省察。命駕乃東征。皇恩賜印
綬。歸爲田里榮。朝野同稱嘆。園綺鬱齊名。長衢

軒蓋集飲餞出西京。時屬春陽節。草木已含英。
洛川當盛宴。斯焉爲達生。

送蘇評事

季弟仕譙都。元兄坐蘭省。言訪始忻忻。念離當
耿耿。差我夏雲起。迢遰山川永。登高望去塵。紛
思終難整。一作整

送李侍御益赴幽州幕

二十揮篇翰。三十窮典墳。辟書五府至。名爲四

海聞始從車騎幕。今赴嫖姚軍。契闊晚相遇。草
感遽離羣。悠悠行子遠。眇眇川塗分。登高望燕
代。日夕生夏雲。司徒擁精甲。誓將除國氛。儒生
幸持斧。可以佐功勳。無言羽書急。坐闕相思文。

自尚書郎出爲滁州刺史

留別朋友
兼示諸弟

少年不遠仕。秉笏東西京。中歲守淮郡。奉命乃
征行。素慙省閣姿。况忝符竹榮。效愚方此始。顧
私豈獲并。徘徊親交戀。愴恨昆友情。日暮風雪

起。我。去。子。還。城。登。塗。建。隼。旟。勒。駕。望。承。明。雲。臺。
煥。中。天。龍。闕。鬱。上。征。晨。興。奉。早。朝。玉。露。霑。華。纓。
一。朝。從。此。去。服。膺。理。庶。卬。皇。恩。儻。歲。月。歸。復。廁。
羣。英。

送元錫楊凌

荒。林。翳。山。郭。積。水。成。秋。晦。端。居。意。自。違。况。別。親。
與。愛。歡。筵。慊。未。足。離。燈。悄。已。對。還。當。掩。郡。閣。佇。
君。方。此。會。

送楊氏女

永日方感感。出門復悠悠。女子今有行。大江沂
輕舟。爾輩况無恃。撫念益慈柔。幼爲長所育。女幼

爲楊氏所撫育

兩別泣不休。對此結中腸。義往難復留。

自小闕內訓。事姑貽我憂。賴茲託令門。仁恤庶
無尤。貧儉誠所尚。資從豈待周。一作在孝恭遵婦道。容

止順其猷。離別在今晨。見爾當何秋。居閑始自
遣。臨感忽難收。歸來視幼女。零淚綠纓流。

送中弟

一作氣

秋風入疎戶。離人起晨朝。山郡多風雨。西樓更
蕭條。嗟予淮海老。送子關河遙。同來不同去。沉
憂寧復消。

寄別李儋

首戴惠文冠。心有決勝籌。翩翩四五騎。結束向
并州。名在相公墓。一作府山恩未酬。妻子不及顧。親
友安得留。夙昔同文翰。交分共綢繆。忽枉別離

札。涕。淚。一。交。流。遠。郡。臥。殘。疾。涼。氣。滿。西。樓。想。子
臨。長。路。時。當。淮。海。秋。

館

送倉部蕭員外院長存

襍。被。蹉。跎。老。江。國。情。人。邂逅。此。相。逢。不。隨。鴛。鴦。
朝。天。去。遥。想。蓬。來。臺。閣。重。

送王校書

同。宿。高。齋。換。時。節。共。看。移。石。復。栽。杉。送。君。江。浦。
已。惆。悵。更。上。西。樓。望。遠。帆。

送丘員外還山

長棲白雲表。蹇訪高齋宿。還辭郡邑誼。歸泛松江渌。結茅隱蒼嶺。伐薪響深谷。同是山中人。不知往來躅。靈芝非庭草。遼鶴委池鶩。終當署里門。一表高陽族。

重送丘二十二還臨平山居

歲中始再覲。方來又解携。纔留野艇語。已憶故山棲。幽澗人夜汲。深林鳥長啼。還持郡齋酒。慰

子霜露淒。

送鄭端公弟移院常州

時瞻憲臣重。禮爲內兄全。公程儻見責。私愛信
不憊。况昔陪朝列。今茲俱海壖。清觴方對酌。天
書忽告遷。豈徒咫尺地。使我心思綿。應當自此

始。歸拜雲臺前。

送房杭州

孺復

專城未四十。暫謫豈蹉跎。風雨吳門夜。惻愴別

情多。

送陸侍御還越

居藩久不樂。遇子聊一欣。英聲頗籍甚。交辟廼

時珍。繡衣過舊里。一作光輝耀四鄰驄馬輝四鄰。敬恭尊郡守。賤

簡具州民。謬忝誠所媿。思懷方見申。置榻宿清

夜。加籩醢良辰。遵塗還盛府。行舫遶長津。自有

賢方伯。得此文翰賓。

浙

聽江笛送陸侍御

同丘員外賦題

遠聽江上笛。臨觴一送君。還愁獨宿夜。更向郡
齋聞。

送丘員外歸山居

郡閣始嘉宴。青山憶舊居。爲君量革履。且願住
藍輦。

送崔叔清遊越

忘茲適越意。愛我郡齋幽。野情豈好謁。詩興一
相留。遠水帶寒樹。閭門望去舟。方伯憐文士。無

爲成滯遊。

送雲陽鄒儒立少府侍奉還京師

建中卽藩守。天寶爲侍臣。歷觀兩都士。多閱諸
侯人。鄒生乃後來。英俊亦罕倫。爲文頗瓌麗。稟
度自貞醇。甲科推令名。延閣播芳塵。再命趨王
畿。請告奉慈親。一鍾信榮祿。可以展歡欣。昆弟
俱時秀。長衢當自伸。聊從郡閣暇。美此特景新。
方將極娛宴。已復及離辰。省署慙再入。江海綿

一作燕後乃離人

十春。今日閭門路。握手子歸秦。

送豆盧策秀才

一作水始泮又作水泮

歲交冰未泮。地卑海氣昏。子有京師遊。始發吳
閭門。新黃含遠林。微綠生陳根。詩人感時節。行
道當憂煩。古來濩落者。俱不事田園。文如金石
韻。豈乏知音言。方辭郡齋榻。爲酌離亭罇。無爲
倦羈旅。一去高飛翻。

送王卿

別酌春林啼鳥稀。雙旌背日晚風吹。却憶回來
花已盡。東郊立馬望城池。

送劉評事

聲華滿京洛。藻翰發陽春。未遂鵷鴻舉。尚爲江
海賓。吳中高宴罷。西上一遊秦。已想函關道。遊
子冒風塵。籠禽羨歸翼。遠守懷交親。况復歲云
暮。凜凜冰霜辰。旭霽開郡閣。寵餞集文人。洞庭
摘朱實。松江獻白鱗。丈夫豈恨別。一酌且歡忻。

送雷監赴闕庭

才大無不備。出入爲時須。雄藩精理行。祕府擢
文儒。詔書忽已至。焉得又踟躕。方舟趁朝謁。觀
者盈路衢。廣筵列衆賓。送爵無停迂。攀餞誠愴
恨。賀榮且歡娛。長陪栢梁宴。日向丹墀趨。時方
重右職。蹉跎獨海隅。

送秦系赴潤州

近作新婚鑷白髯。長懷舊卷映藍衫。更欲携君

虎丘寺。不知方伯望征帆。

浙江圖書館

韋蘇州集卷之四終

韋蘇州集 卷四

草薙陳集卷之四

才大無不備也

文備。窮清忽已

有在。路不。所。此。

恨。負。且。秋。

正。右。戰。遂。地。

送。本。系。北。別。

別。在。寺。不。映。大。佛。壁。五。所。



浙江圖書館

韋蘇州集卷之五

酬答

期盧嵩枉書稱日暮無馬不赴以詩答
佳期不可失終願枉衡門南陌人猶度西林日
未昏庭前空倚杖花裡獨留樽莫道無來駕知
君有短轅

任洛陽丞答前長安田少府問

相逢且對酒相問欲何如數歲猶卑吏家人笑

著書告歸應未得一作全榮宦又知疎。日日生春草。空
令憶舊居。

館

假中枉盧二十二書亦稱臥疾兼訝李二

久不訪問以詩答書因以戲李二

圖

微官何事勞趨走。服藥閑眠養不才。花裡碁盤
憎鳥污。枕邊書卷訝風開。故人問訊緣同病。芳
月相思阻一杯。應笑王戎成俗物。遙持麈尾獨
徘徊。

謝盧嵩秋夜見寄五韻

喬木生夜涼。月華滿前墀。去君咫尺地。勞君千

里思。一作萬里素秉棲遁志。况貽招隱詩。坐見林木榮。願

赴滄洲期。何能待歲晏。盧詩云歲晏以為期攜手當此時。

謝鄭戶曹驪山感懷

蒼山何鬱盤。飛閣凌上清。先帝昔好道。下元朝

百靈。白雲已蕭條。麋鹿但縱橫。泉水今尚暖。舊

林亦青青。我念綺襦歲。扈從當太平。小臣職前

驅馳道出灞亭。翻翻日月旗。殷殷鞞鼓聲。萬馬
自騰驤。八駿按轡行。日銷煙嶠綠。氛氳麗層甍。
登臨起遐想。沐浴懽聖情。朝燕詠無事。時豐賀
國禎。日和絃管音。下使萬室聽。海內湊朝貢。賢
愚共歡榮。合沓車馬喧。西聞長安城。事往世如
寄。感深迹所經。申章報蘭藻。一望雙涕零。

答李漣三首

浙

孤客逢春暮。緘情寄舊遊。海隅人使遠。書到洛

陽秋。

馬卿猶有壁。漁父自無家。想子今何處。扁舟隱
荻花。

林中觀易罷。溪上對鷗閑。楚俗饒辭客。何人最
往還。

訓柳郎中春日歸揚州南郭見別之作

廣陵三月花正開。花裡逢君醉一迴。南北相過
殊不遠。暮潮從去早潮來。

訓豆盧倉曹題庫壁見示

掾局勞才子。新詩動洛川。運籌知決勝。聚米似
論邊。宴罷常分騎。晨趨又比肩。莫嗟年髮改。郎
署定推先。

訓李儋

開門臨廣陌。旭日車駕喧。不見同心友。徘徊憂
且煩。都城二十里。居在良與坤。人生所各務。乖
濶累朝昏。湛湛樽中酒。青青芳樹園。緘情未及

發先此枉輿。喬邁世超。高躅尋流。得真源。明當
一作躅
策疲馬。與子同笑言。

謝元偉過洛陽夜燕

館

三載寄關東。所懽皆遠違。思懷方耿耿。忽得觀
容輝。親燕在良夜。歡攜闈中闈。問我猶杜門。不
能奮高飛。明燈照四隅。炎炭正可依。清觴雖云
酌。所媿乏珍肥。晨裝復當行。寥落星已稀。何以
慰心曲。佇子西還歸。

訓韓質舟行阻凍

晨坐枉嘉藻。持此慰寢興。中獲辛苦奏。長河結
陰冰。皓曜羣玉發。淒清孤景凝。一作澄至柔反成堅。造
化安可恒。方舟未得行。鑿飲空兢兢。苦寒彌時
節。待泮豈所能。何必涉廣川。荒衢且升騰。殷勤
宣中意。庶用達吾朋。

李博士弟以余罷官居同德精舍共有伊
陸名山之期久而未去枉詩見問中云

宋生昔登鑿末云那能顧蓬華直寄鄙

懷聊以爲答

館

初夏息衆緣。雙林對禪客。在茲芳蘭藻。促我幽
人策。冥搜企前哲。逸句陳往迹。髣髴陸渾南。迢
迢千峰碧。從來遲高駕。自顧無物役。山水心所
娛。如何更朝夕。晨興涉清洛。訪子高陽宅。莫言
往來疎。駑馬知阡陌。

浙

寄訓李博士永寧主簿叔廳見待

解鞅先幾日。欵曲見新詩。定向公堂醉。遙憐獨
去時。葉。霜。寒。雨。落。鍾。度。遠。山。遲。晨。策。已。云。整。當
同林下期。

答令狐士曹獨孤兵曹聯騎暮歸望山見

寄

共愛青山在近南。行牽吏役背雙驂。在書獨宿
對流水。遙羨歸時滿夕嵐。

答李博士

休沐去人遠。高齋出林杪。晴山多碧峰。顥氣疑
秋曉。端居喜良友。枉使千里路。緘書當夏時。開
緘時已度。簷鷄已颯颯。荷露方蕭颯。夢遠竹窻
幽。行稀蘭徑合。舊居共南北。往來只如昨。問君
今爲誰。日夕度清洛。

答劉西曹

時爲京兆功曹

公館夜云寂。微涼羣樹秋。西曹得時彥。華月共
淹留。長嘯舉清觴。志氣誰與儔。千齡事雖邈。俯

念忽已周。篇翰如雲興。京洛頗優游。詮文不獨
占。理妙卽同流。淺劣見推許。恐爲識者尤。空慙
文璧贈。日夕不能訓。

答貢士黎逢

時任京兆功曹

茂等一作才方上達。諸生安可希。栖神澹物表。渙汗布

令詞。如彼崑山玉。本自有光輝。鄙人徒區區。稱

嘆亦何爲。彌月曠不接。公門但驅馳。蘭章忽有

贈。持用慰所思。不見心尚密。况當相見時。

一作微密

答韓庫部

良玉表貞度。麗藻頗爲館。名列金閨籍。心與素
士同。日晏下朝來。車馬自生風。清宵有佳興。皓
月直南宮。矯翮方上征。顧我邈忡忡。豈不願攀
舉。執事府庭中。智垂時亦蹇。才大命有通。一作為還當
以道推。解組守蒿蓬。

答崔主簿倬

朗月分林靄。遙管動離聲。故懽良已阻。空宇澹

揚用修曰極其
工緻而艷雪三
字尤新

無情。窈窕雲鴈沒。蒼茫河漢橫。蘭章不可答。冲襟徒自盈。

答徐秀才

鈇鈍謝貞器。時秀猥見稱。豈如白玉仙。一作仙山鶴方與紫霞升。清詩舞艷雪。孤抱瑩玄冰。一枝非所貴。懷

書思武陵。

一云懷書且茂陵

答東林道士

紫閣西邊第幾峰。茅齋夜雪虎行蹤。遙看黛色

浙江圖書館

知何處。欲出山門尋暮鐘。

一作欲向西山尋暮鐘

答長寧令楊轍

館

皓月升林表。公堂滿清輝。嘉賓自遠至。觴飲夜何其。宰邑視京縣。歸來無寸資。瓌文溢衆寶。雅正得吾師。廣川含澄瀾。茂樹擢華滋。短才何足數。枉贈媿妍詞。歡眄良見屬。素懷亦已披。何意雲栖翰。不嫌蓬艾卑。但恐河漢沒。回車首路岐。

答馮魯秀才

晨坐在瓊藻。知子返中林。澹然山景晏。泉谷響
幽禽。髣髴謝塵跡。逍遙舒道心。願我腰間綬。端
爲華髮侵。簿書勞應對。篇翰曠不尋。薄田失鋤
耨。生苗安可任。徒令慙所問。想望東山岑。

答崔主簿問兼簡溫上人

緣情生衆累。晚悟依道流。諸境一已寂。了將身
世浮。閑居澹無味。忽復四時周。靡靡芳草積。稍
稍新篁抽。卽此抱餘素。塊然誠寡儔。自適一忻

意愧蒙君子憂。

清都觀答幼遐

館

逍遙仙家子。日夕朝玉皇。興高
清露沒。渴飲瓊華漿。解組一
來款。披衣拂天香。粲然顧我
笑。綠簡發新章。泠泠如玉音。
一作音馥馥若蘭芳。浩意坐盈
此。月華殊未央。却念誼譁日。
何由得清涼。疎松一作枕抗高殿。
密竹陰長廊。榮名等糞土。攜手
隨風翔。

善福精舍答韓司錄清都觀會宴見憶

弱志厭衆紛。抱素寄精廬。皦皦仰時彥。悶悶獨
爲愚。之子亦辭秋。高蹤罷馳驅。忽因西飛禽。贈
我以瓊琚。始表仙都集。復言歡樂殊。人生各有
因。契濶不獲俱。一來田野中。日與人事疎。水木
澄秋景。逍遙清賞餘。枉駕懷前諾。引領豈斯須。
無爲便高翔。邈矣不可迂。

答長安丞裴稅

浙

出身忝時士。於世本無機。爰以林壑趣。遂成頑

鈍姿臨流意已淒。采菊露未稀。舉頭見秋山。萬
事都若遺。獨踐幽人蹤。邈將親友違。髦士佐京
邑。懷念枉貞詞。久雨積幽抱。清罇宴良知。從容
操劇務。文翰方見推。安能戢羽翼。顧此林棲時。

奉酬處士叔見示

挂纓守貧賤。積雪卧郊園。叔父親降趾。壺觴携
到門。高齋樂燕罷。清夜道心存。卽此同疎氏。可
以一忘言。

答庫部韓郎中

高士不羈世。頗將榮辱齊。適委華冕去。欲還幽
林栖。雖懷承明戀。忻與物累睽。逍遙觀運流。誰
復識端倪。而我豈高致。一作能偃息平門西。愚者世所
遺。沮溺共耕犁。風雪積深夜。園田掩荒蹊。幸蒙
相思札。款曲期見携。

答暢校書當

偶然棄官去。投跡在田中。日出照茅屋。園林養

孫鍾園

鑿伯敬云亦以
其氣韻淳古處

似陶不在效其
清響

鍾伯敬云學

愚蒙。雖云無一資。罇酌會不空。且忻百穀成。仰

嘆造化功。出入與民伍。作事靡不同。時伐南澗。

竹。夜還澧水東。貧寒自成退。豈為高人蹤。覽君

金玉篇。彩色發我容。日日欲為報。方春已徂冬。

答崔都水

深夜竹庭雪。孤燈案上書。不遇無為化。誰復得

閑居。

謝令狐司錄善福精舍見贈

野寺望山雪。空齋對竹林。我以養愚地。生君道者心。

澧上精舍答趙氏外生伉

遠跡出塵表。寓身雙樹林。如何小子伉。一作弟亦有超

世心。擔書從我遊。攜手廣川陰。雲開夏郊綠。景

晏青山沈。對榻遇清夜。獻詩合雅音。一作全所推苟禮

數。於性道豈深。隱拙在冲默。經世昧古今。無爲

率爾言。可以致華簪。

答趙氏生仇

暫與雲林別。忽陪鴛鷺翔。看山不得去。知爾獨
相望。

答端

郊園夏雨歇。閑院綠陰生。職事方無效。幽賞獨
違情。物色坐如見。離抱悵多盈。况感夕涼氣。聞
此亂蟬鳴。

答史館張學士段柳庶子學士集賢院看

花見寄兼呈柳學士

班揚秉文史對院自爲隣。餘香掩閣去。遲日看
花頻。似雪飄閭闔。從風點近臣。南宮有芳樹。不
竝禁垣春。

答王郎中

卧閣在芳藻。覽吉悵秋晨。守郡猶羈寓。無以慰
嘉賓。野曠歸雲盡。天清曉露新。池荷涼已至。窻
梧落漸頻。風物殊京國。邑里但荒榛。賦繁屬軍

與政拙愧斯人。髦士久臺閣。中路一漂淪。歸當
列盛朝。一作明豈念臥淮濱。

答崔都水

亭亭心中人。迢迢居秦關。常緘素札去。一作問適枉華

章。還憶在澧郊時。携手望秋山。久嫌官府勞。初

喜罷秩閑。終年不事業。寢食長慵頑。不知為時。一作何為

來。一作來名籍挂郎間。攝衣辭田里。華簪耀顏顏。卜居

又依仁。日夕正追攀。牧人本無術。命至苟復遷。

離念積歲序。歸途眇山川。郡齋有佳月。園林含
清泉。同心不在宴。罇酒徒盈前。覽君陳迹遊。詞
意俱悽妍。忽忽已終日。將訓不能宣。吓稅况重
疊。公門極熬煎。責逋甘首免。一作是歲晏當歸田。勿厭
守窮轍。一作戰慎爲名所牽。

答王卿送別

去馬嘶春草。歸人立夕陽。元知數日別。要使兩
情傷。

答裴丞說歸京所獻

執事頗勤久。行去亦傷乖。家貧無僮僕。吏卒升
寢齋。衣服藏內篋。藥草曝前階。誰復知次第。渡
落且安排。還期在歲晏。何以慰吾懷。

答裴處士

遺民愛精舍。乘犢入青山。來署高陽里。不遇白
衣還。禮賢方化俗。聞風自款關。况子逸羣士。栖
息蓬蒿間。

答楊奉禮

多病守山郡。自得接佳賓。不見三四日。曠若十
餘旬。臨觴獨無味。對榻已生塵。一味舟中作。灑
雪忽驚新。煙波見棲旅。景物具昭陳。秋塘唯落
葉。野寺不逢人。白事廷吏簡。閑居文墨親。高天
池閣靜。寒菊霜露頻。應當整孤棹。歸來展殷勤。

答端

坐憶故園人已老。寧知遠郡鴈還來。長瞻西北

是歸路。獨上城樓。日幾廻。

答僮奴重陽二甥

僮奴趙氏甥
重陽崔氏甥

弄職曾守拙。翫幽遂忘喧。山澗依磽壻。竹樹蔭

清源。貧居煙火濕。歲熟梨棗繁。風雨飄茅屋。蒿

草沒瓜園。羣屬相歡悅。不覺過朝昏。有時看禾

黍。落日。上秋原。飲酒任真性。揮筆肆狂言。一朝

忝蘭省。三載居遠藩。復與諸弟子。篇翰每相敦。

西園休習射。南池對芳樽。山藥經雨碧。海榴凌

霜鬢念爾不同此。悵然復一論。重陽守故家。僦
子旅湘沅。俱有緘中藻。惻惻動離魂。不知何日
見。衣上淚空存。

答重陽

省札陳往事。愴憶數年中。一身朝北闕。家累守
田農。望山亦臨水。暇日每來同。性情一疎散。園
林多清風。忽復隔淮海。夢想在澧東。病來經時
節。起見秋塘空。城郭連榛嶺。鳥雀噪溝叢。坐使

驚霜鬢。撩亂已如蓬。

訓劉侍郎使君

館

瓊樹凌霜雪。蔥蒨如芳春。英賢雖出守。本自玉
階人。宿昔陪郎署。出入仰清塵。孰云俱列郡。比
德豈爲鄰。風雨飄海氣。清涼悅心神。重門深夏
晝。賦詩延衆賓。方以歲月舊。每蒙君子親。繼作
郡齋什。遠贈荆山珍。高閑庶務理。遊眺景物新。
朋友亦遠集。燕酌在佳辰。始唱已慙拙。將酬益

難伸濡毫意。僂俛一用寫。愉勤。

答令猗侍郎

一凶廼一吉。一是復一非。孰能逃斯理。亮在識
其微。三黜故無愠。高賢當庶幾。但以親交戀。音
容邈難希。况惜別離久。俱忻藩守歸。朝晏方陪
厠。山川又乖違。吳門昌海霧。碛路凌連磯。同會
在京國。相望涕沾衣。明時重英才。當復列彤闈。
白玉雖塵垢。拂拭還光輝。

訓張協律

昔人鬻春地。今人復一賢。屬余藩守日。方今卧
病年。麗思阻文宴。芳蹤闕賓筵。經時豈不懷。欲
往事。屢牽公府適。煩倦開緘瑩。新篇非將握。中
寶何以比。其妍感茲棲。寓詞想復病。瘵纏空宇
風霜交。幽居情思綿。當以貧非病。孰云白未玄。
邑中有其人。樵悴卽我愆。由來牧守重。英俊得
薦延。匪人等鴻毛。斯道何由宣。遭時無早晚。蘊

器侯良緣。觀文心未衰。勿藥疾當痊。晨期簡牘
罷。馳慰子冲然。

答秦十四校書

知掩山扉三十秋。魚鬚翠碧弃牀頭。莫道謝公
方在郡。五言今日爲君休。

答賓

斜月纔鑿帷。凝霜偏冷枕。持情須耿耿。故作單
牀寢。

黃山谷云余此
見右軍一帖云
奉橘三百枚霜
未降不可多得
蘇州蓋取諸此

答鄭騎曹青橘絕句

憐君卧病思新橘。試摘猶酸亦未黃。書後欲題
三百顆。洞庭須待滿林霜。

奉賀聖製重陽日賜宴

聖心憂萬國。端居在穆清。玄功致海宴。錫讌表
文明。恩屬重陽節。雨應此時晴。寒菊生池苑。高
樹出宮城。捧藻千官處。垂戒百王程。復覩開元
日。臣愚獻頌聲。

和吳舍人早春歸沐西亭言志

一作伯仲侍

曉漏戒中禁。清香肅朝衣。一門雙掌誥。伯侍仲
言歸。亭高性情曠。職密交遊稀。賦詩樂無事。解
帶偃南扉。陽春美時澤。旭霽望山暉。一作好鳥出幽禽響未
轉。東原綠猶微。名雖列仙爵。心已遣塵機。一作遣卽事
同巖隱。聖渥良難違。

奉和張大夫戲示青山郎

天生逸世姿。竹馬不曾騎。覽卷冰將釋。援毫露

欲垂金貂傳幾葉。玉樹長新枝。榮祿何妨早。甘
羅亦小兒。

答河南李士巽題香山寺

洛都游宦日。少年携手行。投杯起芳席。總轡振
華纓。關塞有佳氣。巖開伊水清。攀林憇佛寺。登
高望都城。蹉跎二十載。世務各所營。茲賞長在
夢。故人安得并。前歲守九江。恩召赴咸京。因塗
再登歷。山河屬晴明。寂寞僧侶少。蒼茫林木成。

墻宇或崩剝。不見舊題名。舊遊况存歿。獨此淚
交橫。交橫誰與同。書壁貽友生。今茲守吳郡。綿
思方未平。子復經陳迹。一感我深情。遠蒙惻愴
篇。中有金玉聲。反覆終難答。金玉尚爲輕。

答故人見諭

素寡名利心。自非周圓器。徒以歲月資。屢蒙藩
條寄。時風重書札。物情敦貨遺。機杼十縑單。慵
疎百函愧。常負交親責。且爲一官累。况本濩落

人歸無置錐地。省已已知非。枉書見深致。雖欲效區區。何由枉其志。

謝閭員外陟

寒夜阻良覲。叢竹想幽居。虎符予已誤。金丹子何如。醮集觀農暇。笙歌聽訟餘。雖蒙一言教。自愧道情疎。

逢遇

長安遇馮著

劉涇溪曰不微
詩者志知是好

客從東方來衣上灞陵雨問客何為來采山因
一作來何為
買斧冥冥花正開颺颺鷺新乳昨別今已春鬢
絲生幾縷

將發楚州經寶應縣訪李二忽於州館相

遇月夜書事因簡李寶應

孤舟欲夜發祗為訪情人此地忽相遇留連意
更新停杯嗟別久對月言家貧一問臨邛令如
何待上賓

廣陵遇孟九雲卿

雄藩本帝都。游士多俊賢。夾河樹鬱鬱。華館千
里連。新知雖滿堂。中意頗未宣。忽逢翰林友。歡
樂斗酒前。高文激頰波。四海靡不傳。西施且一
笑。衆女安得妍。明月滿淮海。哀鴻逝長天。所念
京國遠。我來君欲還。一作猶
一作又施

淮上遇洛陽李主簿

結茅臨古渡。卧見長淮流。窗裏人將老。門前樹

已秋寒山獨過鴈。暮雨遠來舟。日夕逢歸客。那能忘舊遊。

路逢崔元二侍御避馬見招以詩戲贈

一臺稱二妙。歸路望行塵。俱是攀龍客。空為避馬人。見招翻踟躕。相問良殷勤。日日吟趨府。彈冠豈有因。

逢楊開府

葛帝之曰或云韋乃常后之族憑恃恩私作里中橫故韋逢楊開府詩云云夫武皇帝平內亂殺韋后不應后之族豪橫若此悲正非后族爾李肇國史補言應物性高索解食寡款兩居焚香掃地而坐共此詩所述不同豈非武皇仙去之後折節悔過之時耶

少事武皇帝。無賴恃恩私。身作里中橫。家藏亡

劉涓漢曰樓如不自惜寫得

俠氣動盪見者
偏憐太白亦云
托身白刃裡殺
人紅塵中
又曰寫得奇怪
隊仗逼真舊見
詩話至以為不
類蘇州平生不
知其沉着轉換
正在武皇升仙
起興能令讀者
墮淚
又云收拾慘愴
自不在多

顧東橋曰便不

命兒朝持樗蒲局暮竊東隣姬司隸不敢捕立

在白玉墀驪山風雪夜長楊羽獵時一字都不

識飲酒肆頑癡武皇升仙去憔悴被人欺讀書

事已晚把筆學題詩兩府始收跡南宮謬見推

劉云雜出于未然正是狡俗

非才果不容出守撫婢嫠忽逢楊開府論舊涕

俱垂坐客何由識唯有故人知

顧東橋云何自詭乃爾

休假日訪王侍御不遇

九日驅馳一日閑尋君不遇又空還惟來詩思

清○人○骨○門○對○寒○流○雪○滿○山○

因省風俗訪道士在不見題壁

去○年○澗○水○今○亦○流○去○年○杏○花○今○又○拆○山○人○歸○來○
問○是○誰○還○是○去○年○行○春○客○

韋蘇州集卷之五 終



浙江圖書館



浙江圖書館



浙江圖書館

浙江圖書館善本


甲登記號:024897

一九 年 月 日



浙江圖書館


colorchecker CLASSIC



x-rite



colorchecker CLASSIC



write

http://www.munsellcolorservices.com